



Ioannes natus est patre Christiano, matre Margaretha medio crisi fortunae hominibus, in oppido Athendorio Saxonie Occidentalis, quae hodie Vuestphalia dicitur, calend. Aug. anno 1500. Cum autem Ioannes felici ingenio preditus esset parentum consilio operam literis dedit, & in patria prima fundamēta egregiè iecit. Erat tum Tilmannus Mullius Alexandri Hegij discipulus eo in loco Ecclesiastes, qui & Græca exponere, & carmen scribere (quæ duo eo seculo erant rarissima) poterat. Is cum Ioannis in discendo ardore cognouisset, puerum ad suas ædes recepit, atq; in utraq; lingua instituit. Postea Coloniam missus Arnoldum Vesaliensem, & Ioannem Cæiarium præceptores habuit, & sub ihs præclaram operam bonis artibus nauavit. Itaq; factum ut in templo (quod ad Gradus Mariæ dicitur) scholæ præficeretur. eo in loco cum per triennium hæsisset, in superiori rem Germaniam ascendit, & celebriores urbes invisere statuit. Vnde cum Zuwickauſā uenisset, atq; eius doctrina & diligentia diuulgata esset, eius scholæ moderatio offertur. Ioannes ergo eam conditionem uitæ suscepit, atq; Barbara cum Heinrichmanno et Brasicanu ex ludo reiectis, optimos quoq; autores cum Cicerone & Terentio recepit. In eo loco 1534 Annam Beroualdiā uxorem duxit, et multos discipulos ex nobilitate domi suæ aluit. Cum autem eo genere uitæ fatigaretur, Maribergum concessit, & eam urbem suorum studiorum receptaculū elegit. Interim tamen priuatam scholam retinuit, & quos uolebat discipulos instituit. Verum cum multis virtutibus ornatus esset, diu ibilatere haud potuit. Itaq; primò liberali stipendio oblato Snebergum, postea quoq; Fribergam à Heinrico Saxonie duce euocatur, ut adolescentium studia formaret, & Ludimoderatorem ageret. Huic uocationi is obtemperauit, atq; inter alios discipulos Augustum (qui hodie Saxonie electorem agit) instituit.